

Croeso yn ôl!

Blwyddyn Newydd Dda i chi! Croeso yn ôl i dymor newydd yn Ysgol Tregarth. Gobeithio eich bod wedi mwynhau'r gwyliau! Mae hi wedi bod yn braf cael y disgyblion yn ôl yn y dosbarth yr wythnos hon a chlywed eu holl straeon am y Nadolig.



Miss Tracy Griffith



Miss Marian Hughes

Thema

Yn hytrach na dewis thema yn ystod y tymor yma, byddem yn edrych ar gwestiwn mawr. Wedyn, yn ystod yr ail dymor byddem yn edrych ar themâu gwahanol o fewn y cwestiwn. Ein cwestiwn tymor yma yw 'Sut mae pethau'n gweithio?' Yn ystod y thema byddem yn edrych ar elfennau o wyddoniaeth, Dylunio a Thechnoleg a dyfeisiadau enwog.

Bydd cynllun llais y rhieni yn cael ei rannu allan er mwyn i chi a'ch plentyn rannu syniadau ynglŷn â thasgau/gweithgareddau gallwn ei wneud ar lawr y dosbarth. Gwerthfawrogwn cymaint o ymateb a syniadau a phosib yn ôl os gwelwch yn dda. Os oes gennych chi unrhyw gysylltiadau gyda rhywun all gynnig unrhyw beth i'w wneud a'r thema, plis rhwch hynny lawr ar y cynllun.

Darllen

Bydd sesiynau darllen yn cael eu cynnal yn ddyddiol, byddaf yn darllen gyda phob plentyn yn unigol yn ystod yr wythnos. Rydym yn annog y plant i ddarllen yn rheolaidd, gofynnwn yn garedig i chi ddarllen gyda'ch plentyn yn ddyddiol gan gofnodi sylwadau yn y cofnod darllen. Bydd angen iddynt gadw eu cofnod darllen a'u llyfrau yn y waled blastig a dod ag ef i'r ysgol bob dydd.

Bydd llyfrau ar gael ar-lein i ddarllen drwy hwb (prosiect x a choeden Rhydychen) a bydd modd i'r plant ddewis llyfrau o'r ysgol i fynd adref gyda nhw. Dyma ychydig o ddolenni er mwyn ymarfer llythrennedd y disgyblion;

<https://hwb.gov.wales/search?query=coeden+rhydychen>

<https://hwb.gov.wales/search?query=prosiect+x>

<https://www.i2e.com/i2blast>

<https://wordwall.net/>



Mathemateg

Prif ffocws Mathemateg a Rhifedd y tymor hwn bydd arian a chyllid a siap. Bydd sgiliau Mathemateg a rhifedd y disgyblion yn cael ei ddatblygu'n ddyddiol. Gofynnwn yn garedig i chi ymarfer y sgiliau sylfaenol yn rheolaidd gyda'ch plentyn sef – cyfrif ymlaen ac yn ôl mewn patrymau gwahanol, adnabod rhifau a'u gwerth, ymarferion bondiau rhif (beth sy'n gwneud 10 / 20,50,100 ayyb), ymarfer eu tablau, ymarferion + - x a ÷ a dweud yr amser. Dyma ychydig o ddolenni er mwyn ymarfer sgiliau rhif y disgyblion;

<https://www.topmarks.co.uk/maths-games/hit-the-button>

<https://www.topmarks.co.uk/learning-to-count/place-value-basketball>

<https://wordwall.net/>

<https://hwb.gov.wales/repository/discovery/resource/574488cd-2a17-4eac-a6ce-434280bbb51d/cy?sort=recent&catalogs=1d058d90-af42-4ce4-bbf2-ba794a955aa55&categories=0fe3d8a8-74ba-4292-b4fd-24cd2c8faaa9&strict=1>

<https://www.i2e.com/i2blast>

Gwaith Cartref

Bydd gwaith cartref yn cael ei osod bob hanner tymor sy'n ymwneud a'r thema. Bydd tri neu bedwar tasg/prosiect gwahanol yn cael eu rhannu allan a modd i'ch plentyn ddewis pa dasg i gwblhau dros yr hanner tymor. Bydd hi'n bosib cwblhau mwy na un dasg os dymunir. Bydd y gwaith cartref yma yn cael ei rannu allan yn ystod wythnos nesaf.

Trefn Staffio'r Dosbarth

Bob bore Dydd Llun, bydd Mrs Anne Roberts yn dysgu'r dosbarth. Bydd y sesiynau yn ffocysu ar Addysg Grefyddol a Cwricwlwm Cymreig. Bydd eich plentyn yn cael sesiwn addysg gorfforol gyda Miss Tracy Griffith bob prynhawn dydd Llun hyd at hanner tymor mis Chwefror, ac mae'n angenrheidiol cael dillad addas (siorts, crys T a trainers neu ddillad cynnes i fynd allan) i newid iddynt er mwyn gallu cymryd rhan. Ar ddydd Mercher, bydd y dosbarthiadau yn newid i ddau grŵp. Grŵp blwyddyn 3 a 4, a grŵp blwyddyn 5 a 6. Bydd Miss Griffith yn gyfrifol am yr ochr Celfyddydau yn ystod un sesiwn ar brynhawn dydd Mercher a Mr Roberts yn gyfrifol am Dechnoleg Gwybodaeth yn ystod un sesiwn.

Amserlen Wythnosol:

Dydd	Athro / Athrawes y dosbarth	Sgiliau / Pynciau a ddatblygwyd
Dydd Llun – Gwener	Miss Tracy Griffith	Iaith, Llythrennedd a Chyfathrebu Mathemateg a Rhifedd Gwyddoniaeth a Thechnoleg Dyniaethau Iechyd a Lles
Bore Dydd Llun	Mrs Anne Roberts	Addysg Grefyddol Cwricwlwm Cymreig
Prynhawn Dydd Llun	Miss Griffith	Ymarfer Corff
Prynhawn Mercher Sesiwn 1 (Blwyddyn 3 a 4) Sesiwn 2 (Blwyddyn 5 a 6)	Miss Griffith	Celfyddydau mynegiannol
Prynhawn Mercher Sesiwn 1 (Blwyddyn 5 a 6) Sesiwn 2 (Blwyddyn 3 a 4)	Mr Carwyn Roberts	Technoleg Gwybodaeth

Seesaw

Er mwyn sicrhau bod cyfathrebiad cyson gyda'r ysgol a chi fel rhieni / gwarcheidwaid mi fydd yr ysgol yn parhau i ddefnyddio rhaglen seesaw. Gofynnwn yn garedig i chi chwylu ar ysgol yn uniongyrchol nid drwy Seesaw ynglŷn â phresenoldeb, apwyntiadau, salwch, pryder neu gwestiynau generig.



Atgoffa Cyffredinol

Amser cychwyn – Mae angen i bob plentyn gyrraedd yr ysgol yn brydlon erbyn **8:50yb**.

Amser Gorffen – Mae'r disgyblion yn gorffen am **3:30yp**.

Ffrwyth - Caniateir i blant ddod a diod o ddŵr a ffrwyth i'r ysgol i fwyta yn ystod amser egwyl.

Os oes gan blant adnoddau, llyfrau, darnau o waith sy'n cyd-fynd a thema'r dosbarth ac y byddent yn hoffi eu rhannu gyda'r dosbarth, gwych. Rwyf yn gofyn yn garedig nad yw plant yn dod a theganau na gwrthrychau eraill i'r ysgol.

Diolch yn fawr am eich cydweithrediad

Miss Tracy Griffith